



TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil «25» dekabr

02-244-son

Талабаларнинг қишки таътилини юқори савияда ўтишини таъминлаш тўғрисида

Ўзбекистон Республикаси Олий ва ўрта махсус таълим вазирининг 2020 йил 10 декабрдаги “Талаба ва ўқувчиларнинг қишки таътилининг юқори савияда ўтишини таъминлаш тўғрисида”ги 653-сон буйруғи ижросини таъминлаш ҳамда Янги йил байрами арафасида ва қишки таътил даврида Тошкент давлат юридик университетида тинчлик-осойишталикни сақлаш, шунингдек, талабаларнинг қишки таътилини юқори савияда ўтишини таъминлаш мақсадида

БУЮРАМАН:

1. Ўзбекистон Республикаси олий ва ўрта махсус таълим вазирининг 2020 йил 10 декабрдаги 653-сон буйруғи маълумот ва ижро учун қабул қилинсин.

2. Буйруқ билан:

Талабаларнинг қишки таътилга бориб келишлари учун зарур қулайликлар ва шарт-шароитларни яратиш мақсадида республикаимиз олий таълим муассасалари талабалари ва академик лицей, профессионал таълим муассасалари ўқувчиларига 2020/2021 ўқув йили учун бериладиган қишки таътил муддати 2020 йилнинг 28 декабридан 2021 йилнинг 10 январига қадар этиб белгиланганлиги;

Қорақалпоғистон Республикаси, вилоятлар ва Тошкент шаҳрида таҳсил олаётган талаба ва ўқувчилар уларга қишки таътил пайтида доимий яшаш жойларига бориб-келишлари учун қулайликлар яратиш мақсадида жорий йилнинг 22 декабридан 28 декабрь кунига қадар ҳамда 2021 йил 5 январь

кунидан 10 январига қадар 50% чегирма асосида йўл чипталари сотуви йўлга қўйилганлиги инобатга олинсин.

3. Проректор А.Хашимхонов:

қишки таътил вақтида доимий яшаш жойига кетмайдиган (борар жойи бўлмаган давлат қармоғидаги чин етимлар ҳамда доимий яшаш жойига кетиш имкони бўлмаган хорижлик) талабаларга қишки таътил даврида зарур шароитлар яратиш мақсадида талабалар турар жойида вақтинча яшаб туришлари учун жой ажратилишини назоратга олсин;

барча талабаларнинг таътилга чиқиб кетиш ва ундан қайтиб келиш кунларида уларни кузатиш ва кутиб олиш ишларини тизимли амалга ошириш учун масъул белгилаб, бу борадаги ишларни самарали ташкил этилишини назорат қилсин;

талабалар турар жойига қоладиган ҳамда чин этим ва давлат қармоғида бўлган талабаларни қишки таътилни кўтаринки руҳда кутиб олишлари учун тегишли ишларни амалга ошириб, уларни зарур озиқ-овқат маҳсулотлари билан таъминлаш чораларини кўрсин;

университет ва талабалар турар жойи биноларида университет ходимларидан иборат навбатчиликни ташкил этиш чораларини кўрсин.

4. Проректор вазифасини бажарувчи А.Иминов:

университет ва талабалар турар жойида вақтинчалик фойдаланилмайдиган ўқув ва бошқа хоналарнинг иссиқлик ва электр тизимини техника хавфсизлигига риоя қилган ҳолда ўчириб қўйилишини назорат қилсин;

университет ва талабалар турар жойи биноларида бирламчи ёнғинни ўчириш дастгоҳларини ва ёнғиннинг олдини олиш қурилмаларини қайта техник кўрикдан ўтказилишини назорат қилсин;

барча ўқув бинолари, талабалар турар жойларидаги хоналар ҳамда томга чиқиш эшиклари ва ертўла (подвал)ларнинг тўлиқ ёпилганлигини ёнғин хавфсизлиги ходимлари билан биргаликда кўриб чиқиб, тегишли далолатнома билан расмийлаштириш чораларини кўрсин.

5. Проректор Д.Умаров юқорида белгиланган вазифалар ижросини университет ҳузуридаги таълим муассасаларида амалга оширилишини назорат қилсин.

5. Маънавият ва марифат маркази (Ш.Пўлотов) ҳамда факультет деканлари:

талабаларга қишки таътилни муносиб ўтказиш, доимий яшаш жойларига бориб келишида хавфсизлик қоидаларига риоя этишлари бўйича тушунтиришлар олиб борсин;

қишки таътил даврида уларнинг интеллектуал салоҳиятларини янада юксалтириш мақсадида турли китобхонлик танловлари, китоб тавсияларини амалга оширсин.

6. Ушбу буйруқ ижро назоратини ўз зиммамда қолдираман.

Ректор



Р.Ҳакимов

Лойиҳа киритди:

Маънавият ва маърифат
маркази директори

Ш.Пўлотов

Келишилди:

Ёшлар билан ишлаш
бўйича проректор

А.Хашимхонов

Молия-иқтисод масалалари
бўйича проректор в.б.

А.Иминов

Катта юрисконсулт

Э.Хосилов